

Cuspair Clàir-ghnothaich	9
Àir. Aithisge	G/13/23

COMHAIRLE NA GÀIDHEALTACHD

Comataidh: Comataidh na Gàidhlig

Ceann-latha: 31 Cèitean 2023

Tìotal Aithisge: Seachdain na Gàidhlig 2023

Aithisg le: Àrd-Oifigear Gnìomhach, Coileanadh agus Riaghlachas

1. Adhbhar/Geàrr-chunntas Gnìomhach

- 1.1 'S e adhbhar na h-aithisge seo foir-shealladh a thoirt do Bhuill thaghte air an dàrna Seachdain na Gàidhlig (SnaG) a chaidh a chumail ann an Alba agus a tha a' comharrachadh Gàidhlig na h-Alba air feadh an t-saoghail.
- 1.2 Tha an aithisg cuideachd a' toirt cunntas às ùr do Bhuill mu ghnìomhan a chaidh a dhèanamh agus a' toirt mholaidhean seachad air dòighean gus am feum as fheàrr a dhèanamh de phròiseactan a tha a' cleachdadh nam meadhanan sòisealta.

2. Molaidhean

2.1 Thathar ag iarraidh air Buill:

- i. Beachdachadh air an aithisg agus toirt fa-near dhan aithisg.

3. Buaidhean

- 3.1 Goireas – Chan eil mòran a dhìth a thaobh goireasan agus is urrainnear an coinneachadh tron bhuidseat Seirbheis a th' ann mar-thà.
- 3.2 Laghail – Tha e mar riatanas air Comhairle na Gàidhealtachd am Plana Gàidhlig aice a chur an gnìomh fo Achd na Gàidhlig (Alba) 2005.
- 3.3 Coimhearsnachd (Co-ionannachd, Bochdainn, Dùthchail agus Eilean) – Tha deagh bhuidhean air a' Ghàidhlig seach gu bheil Sgioba na Gàidhlig ag obair còmhla ri buidhnean coimhearsnachd gus tachartasan a libhrigeadh tron t-seachdain.
- 3.4 Atharrachadh Gnàth-shìde/Carbon Ciallach – Tha Sgioba na Gàidhlig a' dèanamh feum cho math 's a ghabhas de theicneòlas airson choinneamhan le co-obraichean is

le buidhnean air an taobh a-muigh gus còmh-dhail a lùghdachadh agus airson pròiseactan SnaG a libhrigeadh.

- 3.5 Cunnart – Tha na molaidhean leasachaidh airson SnaG san àm ri teachd fo ùmhlachd ghoireasan is an crochadh air a' chuspair a thathar a' stèidheachadh airson 2024.
- 3.6 Gàidhlig – Tha an aithisg a' neartachadh leasachadh na Gàidhlig thar na Gàidhealtachd is air feadh an t-saoghail agus a' cur taic ri iomairt nàiseanta is cruinneil. Tha i cuideachd a' cur taic ri bhith a' buileachadh Plana na Gàidhlig.

4. Seachdain na Gàidhlig (SnaG)

- 4.1 'S e iomairt nàiseanta a th' ann an SnaG agus chaidh a cumail eadar 20–26 Gearran am-bliadhna. Tha i air a maoineachadh le Bòrd na Gàidhlig, Hands Up For Trad agus Alba Chruthachail. Chruthaich SnaG maoin do bhuidhnean coimhearsnachd gus am b' urrainn dhaibh iarrtasan a chur a-steach gus taic a chur ris na tachartasan buntainneach aca.

<https://seachdainnagaidhlig.scot/>

- 4.2 Bha a' Chomhairle gnìomhach ann a bhith a' gabhail pàirt ann an iomairt nàiseanta Seachdain na Gàidhlig. Chuir Sgioba na Gàidhlig grunn phròiseactan air dòigh le fòcas air an Dachaigh agus a' Choimhearsnachd, Foghlam, agus na cuspairean Corporra ann am Plana na Gàidhlig (PnG3). Ghabh grunn sgoiltean air feadh na Gàidhealtachd pàirt cuideachd agus chleachd iad ùrlaran air-loidhne is na meadhanan sòisealta gus na h-iomairtean sònraichte aca a chur air adhart.

5. SnaG – Pròiseactan

- 5.1 Chlàr Cathraiche Comataidh na Gàidhlig bhidio goirid airson fàilte a chur air an tachartas gu sgìre na Gàidhealtachd agus airson daoine a bhrosnachadh gus com-pàirt a ghabhail. Dhùin Cathraiche Comataidh an Fhoghlaim an tachartas le bhidio goirid a' toirt taing do na com-pàirtichean uile, gu h-àraid tidsearan is sgoilearan.
- 5.2 Rinn Sgioba na Gàidhlig deagh fheum de na meadhanan sòisealta gus pròiseactan corporra innleachdach a chruthachadh a leithid ainm-àite an latha agus sean-fhacal an latha. Chuir an Sgioba tachartasan coimhearsnachd air dòigh cuideachd a leithid tachartas do luchd-ionnsachaidh Gàidhlig agus tachartas Gàidhlig is Cèic ann an co-bhann ris a' Chultarlann. Chithear tuilleadh fiosrachaidh mu thachartasan SnaG air a' phadlet.

6. Planadh agus Mion-sgrùdadh san Àm ri Teachd

- 6.1 Dh'obraich Sgioba a' Chonaltraidh Chorporra còmhla ri Sgioba na Gàidhlig gus mion-sgrùdadh a dhèanamh air coileanadh le coimeas eadar SnaG 2022 agus SnaG 2023. Thug seo fiosrachadh luachmhor seachad a chuidicheas ann a bhith a' cur tachartas 2024 air dòigh.
- 6.2 Tha na molaidhean a leanas a' buntainn ris na meadhanan sòisealta:
 - **Facebook** – airson cur ri teachdaireachdan coitcheann mu SnaG, le cuideam a bharrachd air com-pàirteachas is tachartasan sgoile. (Tha e cudromach toirt fa-near gun robh sgoiltean na Gàidhealtachd air saor-làithean meadhan-teirme tro SnaG).

- **Twitter** – airson fòcas a chumail air bloighean-fiosrachaidh inntinneach a’ buntainn ri dualchas is cultar na Gàidhlig.
- **Instagram** – cruthaich rìdhle a bhiodh a’ gabhail a-steach daoine de gach aois is gnè, a tha a’ fuireach ann an diofar àiteachan sa Ghàidhealtachd, a’ freagairt ceist shònraichte, me, ‘Dè tha a’ Ghàidhlig a’ ciallachadh dhutsa?’ Dh’fhaodadh seo a bhith co-cheangailte ri cuspair sònraichte tachartas 2024.
- Tha an cuspair air a thaghadh le SnaG. Dh’fhaodadh dòigh-obrach a bhith air a leasachadh a bhiodh ag amas air daoine, sgoilearan, fileantaich is luchd-ionnsachaidh le fòcas air an fhacal Ghàidhlig as fheàrr le daoine agus carson. Vox pops de dhaoine fa leth a-muigh ann am bailtean is air an dùthaich agus dh’fhaodadh seo a bhith a’ gabhail a-steach na h-àrainneachd nàdarra.
- **TikTok** – dh’fhaodadh seo amas air nithean foghlaim ach dh’fhaodadh a chleachdadh cuideachd airson bhidiothan trì-mionaidean de dh’ainmean-àite Gàidhlig is sean-fhaclan Gàidhlig, le tuilleadh mìneachaidh air an ciall.

- 6.3 Chaidh aithisg nam meadhanan sòisealta, a tha co-cheangailte, a chur ri chèile le Sgioba a’ Chonaltraidh Chorporra agus tha i a’ sealltainn dàta anailiseach air-loidhne bhon t-seachdain.
- 6.4 Tha SnaG air aithisg dheireannach a chur a-steach gu Bòrd na Gàidhlig airson tachartas 2023 agus tha iad mar-thà a’ tòiseachadh air ullachadh airson tachartas na h-ath-bhliadhna. Fhuair iad còrr is 60 iarrtas. Tha SnaG ag amas air Maoin Thabhartasan Beaga a chur air dòigh le tabhartasan beaga suas ri £500 agus faodaidh ùghdarrasan ionadail iarrtas a chur a-steach dhan sgeama.
- 6.5 Bidh SnaG 2024 a’ tòiseachadh air 19 Gearran agus a’ crìochnachadh air 26 Gearran. Tha SnaG air taing a thoirt do Chomhairle na Gàidhealtachd airson a taic agus airson na chuir i ris an tachartas.

Ainmeachadh: Oifigear Leasachaidh na Gàidhlig

Ceann-latha: 2 Cèitean 2023

Ùghdar: Mòrag Anna NicLeòid Mitchell

Pàipearan Cùl-fhiosrachaidh: Chan eil gin

Eàrr-ràdhan: